



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCLIV. Cune Rengerslage resignirt das Schulzengericht zu Gense denen von Vincelberg, am 30. Mai 1458.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

Wilhelm Bormester, Borghermestere tho Soltwedel, vnd sylvester Mauwer, Borgher tho Osterborgh, de dat hebben hulpen medde bedinghen vnd dartho geladen vnd gebeden waren. Vnd tho Loven vnd to Tychnisse alle düßer vorschrevenen artikel vnd Stücke, so hebbe wy vorgenannte Andreas Schröder, Proveft, Mechtildis von Quitzown, priorinne, vnd de ganze Samlung des vorschrevenen Closters Arentze beyde vnser Proveftliche vnde vnfers Conventes Ingefegele mit guden Willen henghen laten an düßen Breve, de geben is na vnfers Heren Christi Gebort verteyn Hundert Jahr, darna in dem achte vnd vöffigsten Jare, des Mandaghes na deme Sondaghe letare in der Vaften.

Nach einer videmirten Copie des Altmärkischen Vereines.

CCLIV. Cune Rengerslage resignirt das Schulzengericht zu Gense denen von Vincelsberg, am 30. Mai 1458.

Ik Cone rengerflage, seligen Conen son, wonhafftich to luderitze, Bekennen — dat ik sodan schultengerichte to gense, als myn selige vader vnd ik genohmen hebben in vor tyden von eyner hofen landes den fintzelbergen tohornde, dar id doch denn von alder heer yo tobehord hefft vnd noch tohord, gentzliken vnd all verlate vnd darvon aeticht gedon hebbe, vertige vnd verlate ok in kraft dieses briues sodann schulten gerichte vorschreuen den gnanten fintzelbergen vnd sette sy also in de nutbrukende rowlike wer In vnd mit diesem briue. To orkunde mit mynem vppgedruckeden Ingefelgel versegeld na christi gebord virteinhundert Jar, darna Im achte vnd vöfftigsten iar, Am dinstage na vrbani.

Hierher gehört auch wohl das folgende Schreiben:

Minen frundtliken denst thouarn, leue Swager. So ik by jw wafs vp der kenzelyge van des breues wegen tho luderitze, Den gy lucas fintzelberge gefettet hebben, dat denne ingeual schut van Albrechte van luderitze vnd van achim van luderitze van twen ferdel landes wegen vnd seggen sso gense sy eer vnde staden dar nene fintzelberge aff tho. Hebbe gy denne beter bowys wan sye hebben, dat willen sie vor mynen hern lathen erkennen. Leue swager, als my de breff gefettet ys, Soe ys myn bogher vnd bidde, gy id sso muchten ervogen vnd schicken yt also, dat ick dar nene arbeyt effte genoge dorfte vmme hebben —. Des boger ick uwe scriffilike antwerde by dessen iegenwardigen baden. Gescreuen an Sunte Gallen dage.

Gerdt Kerkow.

Nach dem Original. (Mittheilungen des Geh. Reg.-Rathes Herrn von Werder.)